

Pīlē

Mona prūdē pīlē per,
Ē tāp jau kelintē metā.
Mosint pernā bovau anā gers,
Ka jau plaukiuo apēnt ē šīmeta.

Anuos nikumet aš nabaidau,
Ē dounelēs pamietliujo tonkē,
Tik tu vākū anā kam tēik daug –
Kuožnās metās po vēsa polka.

Jok vēstēik ēšlakuos, ēšlakstīs,
Ēšsēskaidīs po svieta plati,
Gal jau nikumet ē nabmatīs
Anū plukiojont prūdūs a lakstont.

Ale tonkē ē mums tāp jau ī,
Ka nu māža augēnam na vēina,
Vo prakotē ēšlāksta, ēšskīst
Ē palēiktam senatvie vēinis...

...Mona prūdē pīlē per...